

**INTERNACIONALNI BURČ UNIVERZITET
INTERNATIONAL BURCH UNIVERSITY**



**PRAVILNIK O UPRAVLJANJU INFORMACIJAMA NA
INTERNET STRANICI I DRUŠTVENIM MREŽAMA**

Januar 2020.

Na osnovu člana 130. stav (2) Zakona o visokom obrazovanju („Službene novine Kantona Sarajevo“ br. 33/17) i člana 22. stav (1) Statuta visokoškolske ustanove Internacionalni Burč univerzitet - International Burch University, Senat visokoškolske ustanove Internacionalni Burč univerzitet - International Burch University, na svojoj CLXXVI sjednici održanoj 29.01.2020. godine, donio je sljedeći

PRAVILNIK O UPRAVLJANJU INFORMACIJAMA NA INTERNET STRANICI I DRUŠTVENIM MREŽAMA

I - OPĆE ODREDBE

Član 1.

Ovim Pravilnikom se određuju nadležnosti, način prikupljanja i objavljivanja informacija na internet stranici i društvenim mrežama visokoškolske ustanove Internacionalni Burč univerzitet - International Burch University (u daljem tekstu Univerzitet), odgovornost za sadržaj informacija, ažuriranje i sankcije za neobjektivno informisanje.

II - PRIKUPLJANJE I OBJAVLJIVANJE INFORMACIJA NA INTERNET STRANICI

Član 2.

(Način prikupljanja informacija i izvori informacija)

- (1) Za prikupljanje informacija od interesa za ciljne grupe Internacionalnog Burč univerziteta zaduženi su prorektori, rukovodioci organizacionih jedinica, šefovi odsjeka, akademsko osoblje, rukovodioci sektora i službi, studenti, te se po odobrenju od strane rektora i generalnog sekretara informacije i vijesti objavljuju na web stranici Univerziteta.
- (2) Zvanična internet stranica Univerziteta je www.ibu.edu.ba.

Član 3.

(Službe zadužene za objavljivanja informacija)

Objavljivanje informacija na internet stranici vrši:

- a) Služba za marketing i odnose s javnošću zadužena za objavljivanje informacija od značaja na nivou Univerziteta,
- b) Odgovorna osoba zadužena ispred fakulteta/odsjeka za objavu informacija od značaja za sadašnje i buduće studente fakulteta/odsjeka u konkretnom slučaju,
- c) IT centar koji može vršiti dopunu i izmjenu generalnih informacija na web stranici i koji je zadužen za kvalitetan vizuelni prikaz web stranice.

Član 4.

(Ažuriranje informacija)

- (1) Ažuriranje informacija vrši se od strane službi zaduženih za objavljivanje informacija, a po nalogu i/ili odobrenju rektora i generalnog sekretara.

- (2) Informacije koje spadaju u grupu novosti ažuriraju se periodično odnosno po završetku događaja, aktivnosti, a ostale informacije po potrebi, u skladu sa nastalim promjenama informacija na Univerzitetu.

Član 5.
(Jezici, pismo i lektorisanje informacija)

- (1) Za objavljivanje informacija koristiti će se pismo latinica, dok će se informacije objavljivati na jednom od službenih jezika u Bosni i Hercegovini i na engleskom jeziku.
- (2) Svaka vijest mora biti lektorisana, lektori su zaduženi za provjeru gramatičke i pravopisne ispravnosti sadržaja na web stranici.

Član 6.
(Sadržaj internet stranice)

- (1) Visokoškolska ustanova na svojoj internetskoj stranici objavljuje relevantne informacije o svojim aktivnostima, uključujući informacije o studijskim programima i zvanjima koje nudi, a koje su jasne, tačne, objektivne, aktuelne i lako dostupne.
- (2) Visokoškolska ustanova na svojoj internetskoj stranici pruža informacije o djelatnostima u oblasti istraživačkog rada i informacije o radu svog akademskog osoblja (publikacije, projekti, konferencije, itd).
- (3) Visokoškolska ustanova osigurava sistematsku komunikaciju sa vanjski zainteresovanim stranama.
- (4) Na web stranici Univerziteta dostupne su sljedeće informacije:
 - Opšte informacije o Univerzitetu
 - Opšte informacije o Bosni i Hercegovini i Gradu Sarajevu
 - Informacije o organizacionim jedinicama Univerziteta
 - Informacije o stručnim službama, laboratorijama i biblioteci Univerziteta
 - Informacije o dodiplomskim, magistarskim, doktorskim studijima
 - Informacije o istraživačkim projektima, konferencijama, objavljenim radovima i publikacijama
 - Informacije o međunarodnoj saradnji
 - Vijesti o aktivnostima, projektima i dešavanjima na Univerzitetu
 - Najave događaja
 - Promotivni materijal Univerziteta
 - Informacioni paket za buduće studente
 - Često postavljena pitanja
 - Kontakt informacije
 - Opciju zahtjeva za kontaktiranje
 - Mogućnost pretraživanja.

Član 7.
(Odgovornost i sankcije)

Za objektivnost, tačnost i ažurnost informacija, odgovorna su lica imenovana od strane Službi zaduženih za objavljivanja informacija, te svako neobjektivno i netačno informisanje, kao i izostanak ažuriranja podliježu mjerama sankcionisanja.

III - PRIKUPLJANJE I OBJAVLJIVANJE INFORMACIJA NA DRUŠTVENIM MREŽAMA

Član 8.

Internacionalni Burč univerzitet prateći najnovije standarde, a u cilju promocije i dijeljenja informacija prema ciljanim grupama posjeduje svoje račune i kanale na društvenim mrežama i to na Facebook-u, Instagram-u, LinkedIn-u, Twiter-u, Youtube-u.

Član 9.

(Lista, nazivi i svrha stranica na društvenim mrežama)

- (1) Internacionalni Burch univerzitet prisutan je Facebook platformi i to na zvaničnoj stranici www.facebook.com/ibueduba koja sadrži osnovne informacije o Univerzitetu.
- (2) Facebook stranica nudi mogućnost plasiranja informacija u različitim formatima, kroz postove, dijeljenjem linkova, kreiranjem galerija, postavljanjem video sadržaja, najavama događaja i sl.
- (3) Ova platforma nudi mogućnost oglašavanja, te uspostavljanje direktnih kontakata sa ciljanim grupama kroz slanje poruka.
- (4) Univerzitet na Facebook stranici dijeli informacije od značaja za ciljane grupe, obavještavajući ih o aktivnostima, projektima na Univerzitetu i svim ostalim bitnim informacijama.
- (5) Pored zvanične stranice Univerziteta, postoje i Facebook stranice odsjeka/studijskih programa raspoređenih po fakultetima, a na kojima se dijele informacije od značaja za sadašnje i buduće studente fakulteta/odsjeka.
 - 5.1. Fakultet za inženjering i prirodne nauke
 - a) Odsjek za arhitekturu (www.facebook.com/ibuarc)
 - b) Odsjek za elektrotehniku (www.facebook.com/eeeburch)
 - c) Odsjek za informacijske tehnologije (www.facebook.com/ibuitdepartment)
 - d) Odsjek za genetiku i bioinženjering (www.facebook.com/BurchGene)
 - 5.2. Fakultet za ekonomiju i društvene nauke
 - a) Odsjek za menadžment (www.facebook.com/ibumanagement)
 - b) Odsjek za međunarodne odnose i evropske studije (www.facebook.com/iresburch)
 - 5.3. Fakultet za edukaciju i humanističke nauke
 - a) Odsjek za anglistiku (www.facebook.com/BurchEnglishDepartment)
 - b) Studijski program: Grafički dizajn i multimedija (www.facebook.com/GraphicDesignBurch)
 - c) Studijski program: Digitalne komunikacije i odnosi s javnošću (www.facebook.com/DigitalCommunicationsBurch)
- (6) Na Facebook platformi pored zvanične stranice Univerziteta, aktivne su i stranice sljedećih službi Univerziteta i to:
 - a) Služba za međunarodnu saradnju (www.facebook.com/burch.university.international.relations.office) koja dijeli sve informacije o međunarodnim aktivnostima, projektima, Erasmus aktivnostima,
 - b) Burch Incubator (www.facebook.com/BurchStartMeUp) na kojoj se dijele sve aktivnosti i informacije prema ciljanim grupama o Start Up projektima koje organizuje Univerzitet,
 - c) KK Igman Burch (www.facebook.com/igmanburch) košarkaški klub Univerziteta koji dijeli informacije o utakmicama, najave utakmica, predstavlja članove.

- (7) Internacionalni Burč univerzitet prisutan je i na Instagram platformi i to na zvaničnoj stranici (www.instagram.com/burchuniversity) koja sadrži osnovne informacije o Univerzitetu. Ova platforma, namijenjena je dijeljenju fotografija i videosadržaja, te nudi mogućnost oglašavanja i uspostavljanja direktnog kontakta sa pratiocima.
- (8) Univerzitet na Instagram stranici dijeli informacije od značaja za ciljane grupe, obavještavajući ih o aktivnostima, projektima na Univerzitetu i svim ostalim bitnim informacijama.
- (9) Internacionalni Burč univerzitet prisutan je i na LinkedIn platformi, tzv. poslovnoj platformi, i to na zvaničnoj stranici (www.linkedin.com/school/international-burch-university) koja sadrži osnovne informacije o Univerzitetu na kojoj se dijele informacije o uspjesima Univerziteta u različitim segmentima.
- (10) Internacionalni Burč univerzitet prisutan je i na Twitter platformi i to na zvaničnoj stranici (twitter.com/burchuniversity) koja sadrži osnovne informacije o Univerzitetu na kojoj se dijele informacije o aktivnostima, projektima na Univerzitetu i svim ostalim bitnim informacijama.
- (11) Internacionalni Burč univerzitet prisutan je i na Youtube video platformi i to na zvaničnom kanalu (www.youtube.com/InternationalBURCHuniversity) koji sadrži osnovne informacije o Univerzitetu i na kojem se dijele video sadržaji kao što su promotivni filmovi Univerziteta, odsjeka, aktivnosti studenata.

Član 10. **(Sadržaj stranica društvenih mreža)**

Na stranicama društvenih mreža se dijele sljedeće informacije:

- Opšte informacije o Univerzitetu
- Informacije o fakultetima/odsjecima/studijskim programima
- Informacije o dodiplomskim, magistarskim, doktorskim studijima
- Informacije o istraživačkih projektima
- Informacije o međunarodnoj saradnji i Erasmus razmjenana
- Vijesti o aktivnostima, projektima i dešavanjima na Univerzitetu
- Priče studenata
- Najave događaja
- Kontakt informacije
- Opciju direktnog slanja poruke
- i sve druge informacije koje su od značaja za Univerzitet.

Član 11. **(Način upravljanja i dijeljenja informacija)**

- (1) Za prikupljanje informacija zaduženi su prorektori, rukovodioci organizacionih jedinica, šefovi odsjeka, akademsko osoblje, rukovodioci sektora i službi, studenti, koji dalje informacije dostavljaju Službi za marketing i odnose s javnošću, a koja po odobrenju od strane rektora i generalnog sekretara informacije i vijesti objavljuju zvaničnim stranicama društvenih mreža Univerziteta.
- (2) Na svim pomenutim stranicama u članu 9. ovog Pravilnika, navedeno je da su zvanične stranice Univerziteta. Svaka druga stranica koja se trenutno nalazi na platformama i u svom nazivu ima riječ „Burch“, a koja nije na listi navedenoj u članu 9. ovog Pravilnika, smatra se lažnom i neophodno je prijaviti i tražiti ukidanje od strane platforme na kojoj se nalazi.

- (3) Obzirom da oblast prisustva na društvenim platformama pravno nije regulisano u Bosni i Hercegovini, otvaranje ovakvih stranica teško je spriječiti, stoga sve informacije koje se iznose na takvim stranicama nisu relevantne i Univerzitet ne odgovara za njihov sadržaj.

Član 12.
(Odgovornost i sankcije)

- (1) Za objektivnost, tačnost i ažurnost informacija, odgovorna su lica imenovana od strane Službi zaduženih za objavljivanje informacija, te svako neobjektivno i netačno informisanje, kao i izostanak ažuriranja podliježu mjerama sankcionisanja.
- (2) Svaka platforma/društvena mreža ima jasno definisan pravilnik o načinu rada i pravila koja se moraju poštovati, te ukoliko se ne poštuje pravilnik, sadržaji ali i zvanične stranice mogu biti uklonjeni.

IV - PRELAZNE I ZAVRŠNE ODREDBE

Član 13.

Izmjene i dopune ovog Pravilnika vrše se u postupku i na način kako je donesen osnovni Pravilnik.

Član 14.

Ovaj Pravilnik stupa na snagu danom donošenja.

Broj: 01-22-1/20
Sarajevo, 29.01.2020. godine

PREDSJEDAVAJUĆI SENATA
Prof. dr. Mersid Poturak